

## Werk

**Titel:** D. Jo. Frid. Blumenbachii Institutiones Physiologicae.

**Autor:** Blumenbach, Johann Friedrich

**Verlag:** Dieterich

**Ort:** Gottingae

**Jahr:** 1821

**Kollektion:** Blumenbachiana

**Digitalisiert:** Niedersächsische Staats- und Universitätsbibliothek Göttingen

**Werk Id:** PPN659038048

**PURL:** <http://resolver.sub.uni-goettingen.de/purl?PPN659038048>

OPAC: <http://opac.sub.uni-goettingen.de/DB=1/PPN?PPN=659038048>

**LOG Id:** LOG\_0048

**LOG Titel:** Sectio XLII. De Lacte

**LOG Typ:** chapter

## Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

## Contact

Niedersächsische Staats- und Universitätsbibliothek Göttingen  
Georg-August-Universität Göttingen  
Platz der Göttinger Sieben 1  
37073 Göttingen  
Germany  
Email: [gdz@sub.uni-goettingen.de](mailto:gdz@sub.uni-goettingen.de)

## SECTIO XLII.

## L A C T E.

§. 608.

Multimode cum utero conspirant  
*mammae*, fontes sanctissimi, humani ge-  
neris educatores ut eleganter audiunt  
apud Gellium Favorino philosopho.  
Utriusque enim ordinis organorum fun-  
ctio infantili aetate vix adhuc ulla est;  
iisdem tunc pubertatis annis utraque si-  
mul vigere incipit, ut quando primum  
ingruunt catamenia, sororient quoque  
*mammae*; ab eo vero inde tempore pas-  
sim aut simultaneas vices subeunt quando  
gravitatis progressu *mammae* quoque  
turgere et lac fundere incipiunt; aut  
alternas, cum quamdiu lactat mater,  
cessent interim menstrua, si vero non  
lactat, lochia eo copiosius fluant et s. p.

Denique autem ingravescente aetate utraque functio simul quoque plane cessat, ut quando iam non amplius revertantur catamenia tam uterus quam mammae aequaliter inertes tabescant; ut pathologica taceam phaenomena in menstruorum v.c anomaliis, fluore albo, extirpatione ovariorum, aliisque morbos affectionibus luculenter observanda, et eandem de qua agimus sympathiam demonstrantia.

## §. 609.

Neque mirum videbitur tam intimum uteri et mammarum commercium consideranti, tam multifarias consensus physiologici species, alias (§. 56.) sigillatim enarratas, ad unam fere omnes inter ea muliebris thoracis et abdominis organa locum habere \*).

## §. 610.

Maximi praefertim momenti quondam aestimabatur consensus anastomoti-

---

\* ) cf. JAC. ANEMAET *de mirabili quae mammas inter et uterum intercedit sympathia.* LB. 1784. 4.

cus arteriam inter mammariam internam et epigastricam observabilis \*); cui etsi nimium tribuerint olim physiologi \*\*), haud contemnendas tamen deberi in ea conspiratione partes, probabile videbitur luminis mutationem consideranti quae epigastricae graviditatis tempore et quādiu mater lactat, contingit.

## §. 611.

At enim vero et hoc uterus cum mammis commune habet, quod utriusque ordinis haecce organa cum chylo amicam quasi affinitatem alere videantur, in morboris non unius generis affectionibus, verum etiam in neonatis puellis tantum non semper observabilem.

\* ) EUSTACHII tab. XXVII. fig. 12.

HALLERI icon. anat. fasc. VI. tab. I.

\*\*) Recte monente G. RUD. BOEHMER de confessu uteri cum mammis caussa lactis dubia. Lips. 1750. 4.

## §. 612.

*Mamma* vero muliebris \*) quae tum forma sua, quali praesertim in flore aetatis conspicua est, tum vero eo quod et praeter lactationis periodos ipsam eam formam magis quam aliorum mammalium ubera perennem seruet, ad characteres specificos sexus feminei in humano genere pertinet, placentiformi constat glandularum conglomeratarum congerie, numerosis sulcis in maiores lobos distincta, et adiposae massae in universum quasi immersa; maxime autem antrorum firmiore sebo tumens, cui tenerima obtensa est cutis.

## §. 613.

Quibus autem istorum loborum iterata divisione ex minoribus lobulis componitur, hique ex vulgo sic dictis acinis, quibus ultimae *ductuum lactiferorum* ra-

\*) A. B. KÖLPIN *de structura mammarum*. Grisew. 1765. 4.

ATHAN. IOANNIDIS *physiologiae mammarum muliebrium specimen*. Hal. 1801. 4.

diculae \*) inhaerent ex arteriae mammariae internae extremis ramulis chylorum laticem attrahentes.

## §. 614.

Abeunt autem hae radiculae magis magisque confluentes \*\*) denique in truncos principes, numero loborum respondentes, ita ut plerumque in quavis mamma quindecim eorum aut paulo plures numerentur. Hi quidem passim in sinus ampliores dilatantur, nulla autem genuina anastomosi invicem nec iacentur \*\*\*).

## §. 615.

Terminantur autem hi trunci tenerimis canaliculis excretoriis, qui versus centrum mammae intercedente cellulosa in *papillam* colligantur †), quae subtilis-

\*) cf. C. A COVOLO binas tabulas ad calcem post-humarum SANTORINI.

\*\*) v. MICHAEL GIBARDI tab. I. iisdem SANTORINI tabulis subiunctam.

\*\*\*) J. GOTTL. WALTER *observat. anat.* pag. 33 sq.

†) SANTORINI tab. posth. VIII.

fimis vasis sanguiferis et nervulis per-texta ad extenorū quorundam stimulorum accessum singulari erectioni obnoxia est.

## §. 616.

Ambit papillam *areola* \*), quae aequa ac ista ipsa singulari colore \*\*) reticuli quod epidermidi \*\*\*) substernitur, conspicua est, praeterea autem folliculis quoque sebaceis †), distinguitur.

## §. 617.

Quod vero in hactenus descripta officina secernitur, *lac* muliebre succus est noti coloris, aquosus, pinguisculus, subdulcis, lenis, in universum quidem

\*) RUXSCH *thes.* I. tab. IV. fig. 4.

\*\*) Gravidis, praesertim quando prima vice uterum gerunt, flavescunt plerumque papillae.

Samojedicis vero feminis, eti adhuc intactis, papillas nigerrimas esse, afferit aut optes KLINGSTAEDT in *Mém. sur les Samojedes et les Lapons* pag. 44.

\*\*\*) B. S. ALBINI *annotat. acad.* L. III. tab. IV. fig. 5.

†) MORGAGNI *adversar. anat.* I. tab. IV. fig. 2.

mammalium domesticorum lacti similis, magis tamen quam in ullo istorum animalium innumeris varietatibus proportionis partium constitutivarum ludens; etiam ob insignem qua scatet salis essentialis, mox dicendi, quantitatem longe difficillimus coactu, neque ullum alcali volatilis vestigium praebens \*).

## §. 618.

Spiritu vini autem coactum eadem elementa monstrat, quibus et animalium quae diximus, lac constare notum est. Praeter aquosum enim halitum quem recenter emulsum et adhuc calens spirat, serum a caseosa parte secedens, tam saccharum lactis continet \*\*), quam acidum

\* ) FL. JAC. VOLTELEN (praef. HAHNIO) *de lacte humano observationes chemicae.* LB. 1775. 4.

PARMENTIER et DEYEUX *Précis d'Expériences et observations sur les différentes Espèces du Lait.* Argentor. 1798. 8.

THENARD in *Annales de Chimie* T. LIX.  
pag. 262.

\*\*) MARC. LUD. WILLIAMOZ *de sale lactis essentiali.* L. B. 1756. 4.

aceticum, calci et magnesiae phosphoratae aequae ac oleosis et mucosis partibus nuptum. Butyraceum vero *cremorem* globulis constare dicunt sed variae et inconstantis magnitudinis, utpote quorum diametrum intra  $\frac{1}{200}$  et  $\frac{1}{600}$  lineae ludere afferunt \*).

## §. 619.

Analogia vero quae chylum inter et sanguinem et utrosque inter hosce liquores et ipsum lac \*\*) praevalere observatur, satis probabile reddit, esse hunc de quo agimus postremum humorem ipsius chyli speciem ex sanguinis massa reductam, s. potius ante plenariam eius assimilationem

\*) SENAC *Tr. du coeur.* Vol. II. p. 276. ed. 2.

FR. v. P. GRUITHUISEN *Untersuch. über den Unterschied zwischen Eiter und Schleim durch das Microscop.* Monach. 1809. 4. pag. 16. fig. 15.

\*\*) cf. JO. THEOD. VAN DE KASTEELE *diff. de analogia inter lac et sanguinem.* Lugd. Bat. 1780. 4.

et ALEX. WILSON *de analogia inter lac et chylum, in EJ. observations relative to the influence of the climate.* pag. 97 sqq.

ex sanguineo penu, cui modo accesserat, iterum separatam; cui sententiae praeter alia argumenta tum specificae ingestorum qualitates favent, non raro in lacte nutricis luculenter observabiles<sup>\*)</sup>: tum vero chylosus habitus aquosí lactis quale sub graviditate et paulo post partum e mammis stillat<sup>\*\*)</sup>.

<sup>\*)</sup> v. post nubem aliorum testimoniū KÖLPIN in PALLASII *neuen nordischen Beyträgen* vol. II. pag. 343.

<sup>\*\*) In universum etiam lympham, absorbentibus venis contentam, haud parum ad secretionem lactis conferre, non uno argumento probabile fit.</sup>

Intumescentia v. c. glandularum subaxillarium primis iam graviditatis mensibus tantum non semper observabilis.

Maxime vero phænomeno memorabili, quo graviditate proiecta (ob uteri molem, plexus venarum lymphaticarum lumbares insignes et numerosos prementis,) crura matris tumescere constat, is vero oedematosus tumor statim post partum ita tollitur ut tunc surae in recenti puerpera flaccidissimae potius pendeant, lympha (ablato nunc impedimento quod uterus gravidus plexibus istis hactenus intulerat,) iam toto impetu sursum ruente, quem singularem impetum mox uberior lactis secretio inficitur.

## §. 620.

Causa vero, quare continuata lactatione blandum hocce foetus pabulum temporis progressu spissius et magis magisque pingue evadat, maxime ad venas lymphaticas videtur referenda, quibus mammae abundant, et quae quo uberior est et diuturnior lactis effluxus eo plus et magis continuo serosas partes resorbent, easdemque denuo sanguinis massae affundendo, universum huius secretionis negotium augent et promovent (§. 477.); imo vero et post ablactationem residuum lac hauriunt eidemque massae admiscent.

## §. 621.

Uberrima enim lactis secretio proximis post partum diebus contingit, et si mater lactat ipsa infantis suctione ulterius ad unam alteramve per nycthemera-

---

Verum et illa hic spectat quam supra iam tetigimus (§. 330.) momentanea sitis, quam mater lactans, simul ac infantem uberi admovet, ex absorbito a faucibus lymphaticis humore, colligere solet.

532 SECTIO XLII. DE IACTE.

rum libram, sustinetur, donec menstrua,  
quae plerumque tam diu intermittunt  
(§. 556.), denuo revertantur.

Est tamen quod intactarum subinde  
virginum, quid quod et utriusque sexus  
infantium neonatorum, imo vero et vi-  
rorum \*) [aeque ac aliorum mammalium  
masculorum adulorum \*\*)] mammae lac  
praebuisse, observatum fuerit.

§. 622.

*Excretionem* vero lactis sollicitat eius  
ubertas, qua et sponte exstillare notum  
est: ulterius autem perficit eandem tum  
pressio mammae externa, tum infantis  
fuctio.

\*) Rem in Russia vulgarem esse afferitur in com-  
mentat. acad. sc. Petropol. vol III. p. 278 sqq.

\*\*) Pluribus de eo argumento egí in *Hannoverisch.*  
*Magazin* 1787. pag. 753 sqq.